

痘科集錄心法計二十五條

痘症治驗

卷五

俞天池輯錄

痘科集錄心法卷五

句曲俞茂鯤天池輯錄

痘科精要俱於前翁仲仁先生賦中、句釋字解、一一申明此旨、或恐註中治法、偶有未備之處、審症猶難豁然、今將先哲群書之順逆險三條、與可治不可治、細加考訂、彙錄成帙、以附賦後、庶業是者、一目了然、生死立判、如老吏斷獄、再無疑案矣、

初熱三朝症治

發熱之初、痘症吉凶、皆兆於此、故宜表散、使臟腑胎毒、及外感

內因之氣皆從汗散則出痘自稀但熱甚則毒甚熱輕則毒輕熱輕者不必過治過治則亡汗而表氣益虛痘難起發熱甚者必宜汗以身熱盡退爲妙一切雜症皆由毒氣欲出不出所致善治者苟能汗散得法則毒氣有所洩而諸症自平矣其亦有當解當下者均宜斟酌勿玩忽勿執一是也

胡氏曰表熱壅

盛非微汗則表不解裏熱壅盛非微下則裏不解此之謂也失治則毒氣轉甚而逆症變生不測

順症不須治

發熱時身無大熱腰腹腿脚不痛過三日纔見紅點堅硬碍手

此爲吉症。○身熱溫和或熱或退神清氣爽飲食如常二便自調而無痛苦者吉。○未出點目不腫皮肉不紅無痰安靜者吉。○發熱時渾身溫熱不時發驚其痘由心經出也爲吉。○接近年屢有痘熱驚凶而不救者古云好事不如無未可言吉。○初熱吐瀉不甚而隨止者吉蓋以邪氣上下得洩也但不宜久而多。

### 逆症不治

發熱之初腹中大痛腰如被杖至報痘乾燥而前痛猶不止者死。○先腹痛後止可用行血氣藥散之或生。○凡眼紅口唇紫

黑破裂者死。○見紫黑班者死。○舌胎紫黑、聲啞、噎、神昏、目閉者死。○發熱一日卽見而點稠密如蠶種、摸不得指者死。○初發熱時用紅紙撚蘸燈油點火照兒心窩、遍身皮肉或成塊或一片紅紫色者不治。此乃毒壅肌肉不散之故。急重用解毒散、瘀之劑、猶或可生。○發熱時口眼耳中小便失血者死。

險症當治

初熱憎寒、頭疼、咳嗽、鼻流清涕、及傷寒疑似之間、二便調者、用升麻葛根湯、一加前胡、山查、生姜、白水煎服、易出易斂、或加蘇葉、冬加麻黃。○痘已出表、熱甚者、亦宜用前方加大力子。○痘

初出頭疼身熱腰腹俱痛或作脹羌葛防芥蘇芷川芎大力木  
通青皮木香甘草燈心生姜衣白水煎服○初熱時必以熱退  
盡爲良使外邪胎毒盡散初壯熱甚頭身腰腹俱痛咳嗽吐瀉  
交作者症必重急用芎桔葛前荆羌蟬力查只殼地骨姜引水  
煎服○熱甚加柴芩犀角水磨投入○夏加香薷冬加麻黃瀉  
加豬苓車前○痘煩燥渴譫語小便赤如見鬼狀前藥投入辰  
砂六一散二百○熱甚失表發狂譫語煩渴壯熱如見鬼狀躁亂  
不安外邪與內毒相搏也升葛柴荆防桔喬力通丹參燈心或  
加川連○風寒壅塞致紫班影影不起者用羌活散鬱湯九○

外感風寒、痰盛譫語、昏迷驚搐、用升陽散鬱湯七加木通、赤芍

前胡、姜、葱爲引。○初熱發驚、目睛上吊、頭向後身反弓、肝木生

風也、實用消毒化斑湯三、虛用惺惺散三。○初熱腰腹痛、膨脹

怒氣霍亂及內症重者下之。○初熱口渴、乾嘔熱症、用清解散

三。○初熱吐瀉不止、口不渴、身與四肢俱冷、不能飲食、脈沉細

者、溫之補之、用陳氏異功散三。失此不治、胃氣愈虛、血脈凝滯、

未出不出、已出陷伏、難救。○初熱時吐瀉、切不可止、如吐瀉酸

臭、可用平胃散六加干葛、前胡、再加消導藥、味佐之、是傷食也、

○初熱聲音變者重也、甘桔湯八加荆元、大力。○初熱一切失

血急與犀角地黃湯。

四李

口鼻出者不妨餘皆難治。○初熱腹脹

眼合狂躁大渴身不甚熱或口乾焦或舌炎熱此毒根于裏也。將變失血之症宜涼血解毒兼發散不急治則舌上生瘡稠密成疔或毒鬱紫班點隱於肌肉間欲出不出則難治矣宜用雙解散<sub>六</sub>治之。

### 報痘三朝症治

形色一見吉凶攸明。因循不治。或辨症不明。至後不能起胖。灌漿陷癢倒靨之禍隨至矣。必辨虛實寒熱急為調治。有連熱三五日而出者。由血氣充足。毒微難於感動為吉。其痘必稀疎而

易愈有熱止一日或半日而出者由氣血怯弱毒多易於感動爲凶其痘必稠密而難愈○凡出三五窠相連者必密單見形者必稀○

順症不須治

凡發熱三日或四日熱退身涼乃於口角腮旁上下之間先放數點大小不一淡紅潤色者佳○凡放標稀疎起頂摸之碍手堅硬又根窠紅暈痘與肉色紅白分明者吉○凡作二三次出吉○三日後手足方纔出齊頭面胸背皆稀少飲食二便如常者吉○凡初見二日如粟大稀而紅活三日尖圓飽滿如珠者

吉○頭額顆粒比之身肢先高一倍者吉○報痘時頭面胸背稀少顆粒紅潤頂尖碍手如水珠光澤者上吉也不必服藥

### 逆症不治

凡熱一日卽出者凶二日出者次之一齊湧出者不治○熱一日或二日卽見紅點或吐瀉腰腹疼痛不食昏睡痘出紫黑必死無疑○凡熱未退而先見於太陽太陰額角髮際方廣處再加眼紅唇裂腹疼氣喘色暗不明是毒參陽位也不治○凡初出密如蚕種或如痈子無縫者死身如蛇皮者死○凡初出全不起頂如湯泡如燈火逼碎者由氣血不和毒無從出也九日

後必發痒而死○報痘時黑斑如痣狀、肌肉又成黑塊者、卽日死○虛泛如水珠子、皮薄光潤、易破而乾燥者不治○皮薄而色光好看、根窠全無血色圓暈、或帶微紅、一二日卽大如菉豆、決不能灌漿、八九日抓破而死○又或變爲黑痘、有硬根者爲疔、用銀針挑後、以拔疔丹<sub>辛</sub>用油胭脂點、內服十神解毒湯<sub>主</sub>一二帖可生○先於天庭額角等處、見標一粒突起、光亮好看、少頃又卽沒去、此賊痘也、決死○凡痘出、煩躁不安、腰腹俱痛、口息氣粗、身熱紫黑點者、不治○凡熱時腰痛、至報痘而痛不止、面赤點如蚕種、煩躁悶亂者、六日死○凡初出如血點、帶紫

黑者將發班症一二日必死急涼解或可一生○凡痘出時狂言如見鬼狀好飲冷水不治其班先從腰眼起者死○凡初出紅班如錦紋者七八日死○凡痘發熱未透而卽報點見標已而復沒不見又出又沒者謂之弄標蓋痘瘡全憑熱透則肌膚通暢自易得出今因熱未透則膏皮未熱出而復沒沒而又出氣血衰弱之甚也難治○舌捲囊縮者死○痘出時口唇破裂胃爛發班者不治此熱攻於脾肺二經急清涼解毒利下有膿血及紫黑血下者十生一二○痘出色紅紫枯焦貼肉不起皮厚黑如鐵挑之不破無血水者謂之鐵甲痘乃氣澀而不營血

枯而不潤、八九日死。○凡先發無名腫毒、而后出痘者、十有九死、預防其毒可也。前賦中有治毒法。○凡初熱吐瀉不止、蛔蟲從口鼻出、大便中出、不進飲食者、死。急扶胃氣、猶或可生。○凡初出、渾身發紫泡、刺破出黑血者、必死。○凡初出數粒、發於山根之上、此毒盛氣虛、故犯土也、難治。○初出口腫氣臭、中人者、此肺胃中火邪、煎熬潰爛、故也、急於清解、胃肺猶或可生、失治至七日死、或失聲、或乾嘔、或疼喘、皆變候也。○色白與肉一般、久不轉紅者、不治。○頂陷中有黑點、或如針眼者、不治。○痘子出盡、正將起發、其中有發血泡者、此毒伏於心、卽死。有發水泡

者此毒伏於肝、旋見痒塌而死、

### 險症當治

初出痘、焦帶黑者、恐致黑陷、不救、急與丹皮、丹參、生地、大力、蟬  
脫、姜蚕、連翹、人中黃治之。○初出色白皮薄者、恐致痒塌、不救、  
急與山藥、白朮、人參、升麻、歸身、黃芪等治之。○初出無根窠、無  
紅暈、血少也、甘草、歸身、枸杞、鹿茸、生地、元眼水煎、投入鷄冠血  
服之、若身熱不退、去茸、加地骨皮。○初出身熱不退、而頭疼、身  
痛、惡風寒者、外感風寒也、宜蘇解湯圭治之。○痘勢不起、根窠  
少紅、或隱或見、或出或沒、乃氣血兩虛、不能送毒於外也、宜生

地歸芎鹿茸山藥參芪等少加山甲治之或加元米○熱未退而見標者名火裏苗痘必焦紫紅紫而不分脚地若不急退其熱則苗必稿急用清解湯<sub>三</sub>治之○痘已出而身熱甚宜涼血令不致血紫宜解毒令不致黑陷用解毒救苦湯<sub>五</sub>治之○痘出稠密針頭形勢重者宜清其表而涼其內喬芩升葛麥冬或加二丹大力姜蚕生地○痘出胸前稠密者大力酒芩丹參荆防查甘草燈心石菖蒲少許治之○凡痘已出上焦壅熱胸膈不快者俱宜服前藥可重加連喬○痘出稠密成片或毒鬱未洩斑點隱肌肉之內欲出不出者用解毒內托散<sub>五</sub>治之若不

急治、必變焦枯黑陷而死。○凡出不快、或黑陷者、用紫草化斑湯<sup>半</sup>加山甲。○痘出雖稀、與肉色一般、無紅暈者、參芪飲<sup>土</sup>加歸芎鹿茸。○痘出漸多、隨見紅班、乾紫不起、頂摸不得、指身熱氣粗者、此熱毒流於胃經、故紅班見於肌肉也、難治、宜知母蘆根生石羔升麻水磨犀角尖與服、喉痛加元參桔梗。○已出而口唇兩頰帶紅紫色、不潤澤、身不退熱者、熱毒未盡洩也、宜二丹生地桔力查蚕犀角。○痘出有紅紫雲頭突起者、宜元參升荆二丹薄荷石羔黃芩。○痘出灰白、頂陷不起、或起軟弱、不得手根、窠不紅暈、身體涼、此虛寒症也、用保元湯<sup>土</sup>加芎歸木香。

元米治之、瀉加丁香肉蓯○灰白色不進飲食寒氣上逆或瀉  
清水或手足厥冷或腹脹或腹痛此純陰症也宜十一味異功  
散<sub>三</sub>治之○或大熱不退煩躁譫語狂亂渴飲色紅紫由火毒  
鑠於內以致神不守舍將成黑陷焦枯此純陽症也宜四物三  
黃湯<sub>去</sub>去白芍加山枝石膏○初出自汗不妨由熱氣薰蒸而  
然然多則表虛恐難起發宜參芪加涼藥治之倘或氣虛自汗  
尤宜早治○痘出熱甚氣滯皮肉腫亮毒氣浮於外也宜骨皮  
膚子山支只殼連喬丹參山查丹皮白芍治之矣治恐內攻而  
死○夏日暑氣蒸入煩躁發渴而出不快者知母石膏香薷等